

SORVISC SANITARS

La doturia Grete Mahlknecht é demez chinescdé dai 11 ai 29 de jügn y vëgn sostituida dal dotur Eduard Agreiter 0474 523 315 o 333 13 80 852.

L'ofize dla repartiziun prestaziuns (Ex-Krankenkasse) tl Distret Sanitar a Picolin mët man cun le orar da d'isté y é davert dai 15 de jügn cina ai 15 de setëmber ma plü le lönesc, les dedemesaledema y le vëndres dales 09.30 ales 12.45.

L'orar por le sorvisc da tó jö sanch resta inant anfat.

L'apoteca Pütia a Picolin é stlütta dai 24 de jügn al 01 de messé 2018.

PLOANIES SAN MARTIN Y LUNGIARÜ

Ai MITUNS CHE Á ROVÉ LA SCORA ti audunse de bunes vacanzas, mo recordesse che la domènia é le de dl Signur ince d'isté. Chël Bel Dî ne vá nia en vacanza!

I SORVIDUS é bel peria da gní a sorví: ara vá dl onur a Gejú y dl aiüt al prou y ala monia!

Le ploan

SAN MARTIN

I Peregrins de Jeunn dij dër bel dilan dla buna acolienza ch'ai á ciafé da gní a ciasa a siur Ploan dl bel salüt y ai sorvidus, ai omi che ti é jüs adincuntra cun le confarun, ala monia Rita, a laronne che á soné l'orghe, ala Albina y ala Erica che á inforní sö la dlijia, ai familiars y a düc chi che é gnüs a i saludé y nia por ultimo al ostí dl Tasser por les bunes tutres ch'al á tenü sö.

Sön la plata internet dla ploania é fotografies de chi de Jeunn da odëi:
<http://www.valbadiaonline.it/comunita/ploanies/ploanies/ploania-smartin.html>

En dedemesaledema, ai 20 de jügn, vëgnel indô sié la cortina dales 17.00 inant; tl caje de bur tēp vëgnel sié le de do, jöbia; chi che á dlaurela vëgn dër bel peria da gní a daidé.

LUNGIARÜ

Le Consëi de Cöra rengraziëia dër bel düc chi che á tut pert ala prozesciun en la festa dl S. Cör y chi che á daidé y contribuí a n bun garaté. En dilan particular ince ales mitans che à tigní sö la bela usanza dla gherlanda y se audun che al vëgnes inte tigní inant chësta tradiziun



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194


17.06. – 24.06.18 nr. 29

ultimo termo por comunicaziuns: jöbia dales 20.00
radio: 90,40 / 93,70

11ª DOMÈNIA IA POR L'ANN – B

Vangele do Merch 4,26-34

Te chël tēp
ti à Gejú dit ala meja:
Cun le règn de Dî éra insciö,
sciöche cun n'ël che somëna
la somënza te so ciamp;
spo dôrmel y lê indô,
al vëgn nôt y al vëgn dé,
la somënza mëna y crësc,
y l'ël ne sa nia cô.
La tera porta
da d'ëra instëssa so früt,
impröma le fostü, spo le spi,
spo düc i granì tl spi.



*Paraboles é imajes che contëgn n significat
y che se lascia descursi defata o ince pormó cun le tēp.
Y chësc é aldedaincö n problem, deache la jënt ó savëi döt atira.
Al é bëgn da capí, ch'an l'ó savëi atira, mo al ne dëida nia dër inant.
Por capí plü sot messunse se tó dlaurela.*

*Ince les paraboles y i ejëmpli, che Gejú cunta, adora tēp.
Y cotan deplü ciamó, é le règn de Dî che adora tēp.
Ci che tēp ó dí, chël sá le paur:
„L'erba ne crësc nia plü debota, sc'an tira laite.“*

*Le règn de Dî ne vëgn nia maiú sc'an ó le sforzé decá.
Le règn de Dî adora so tēp, ince sc'i me proi dassënn.
Mo me porvé, chël mëssi.*

*Ince sc'i ne sun nia plü bun da fá val', pói dagnora ciamó fá na cossa':
mantigní mia fidënza te Dî.
Sce mies bries é por val', chël sá ma Chël Bel Di, y chël dess me basté.*

	SAN MARTIN	LUNGIARÜ	
17.06.18 11^a DOMËNIA – Ann B	9.00 Corona 9.30 Gran Mëssa por la comunité y benedisciun dl tëmp 11.00 Bato de Daniel Coradazzi 13.30 Prozesciun ex voto sò La Crusc dala Cialciara demez	7.55 Corona 8.15 Gran Mëssa por la comunité y benedisciun dl tëmp 15.00 Corona tla capela de S. Ujöp Fr.	
18.06.18 Lönesc <i>Felize, Semplize</i>	20.00 Consëi dl'Unité pastoral	7.30 Mëssa dl ann + Carlo Dejacó	
19.06.18 Dedolönesc <i>Romuald, Elisabeta</i>	19.00 Ora de oraziun do bel tëmp 19.30 Mëssa families de Ludwig Rungger dl ann + Nando Flöss		
20.06.18 Dedemesaledema <i>Adalbert, Margareta</i>		7.00 Ora de oraziun do bel tëmp 7.30 Mëssa + + + Florino, Albert y frater Lino Mischi vis y def. de Isidoro Clara dl Toch	
21.06.18 Jöbia <i>Lovije da Gonzaga, Alban</i>	7.30 Mëssa en onur dl Sacher Cör de Gejú dl ann + Eduard Frenner dl ann + Maria Baldissera Corona por vocaziuns		
22.06.18 Vëndres <i>Paulin, Tomesc Morus</i>	18.30 Adoraziun chîta 19.00 Oraziun do bel tëmp	7.30 Mëssa vis y def. de Sepl Dapoz por Maria y Sepl Clara, Somví	
23.06.18 Sabeda <i>Edeltraud, Iulian</i>	15.30 Mëssa tla Ciasa de Palsa 18.30 Mëssa prefestia de rengraz. por fam. Franz Verginer, Chessl dl ann + + Giovanni y Maria Verginer dl ann + Berta De Cassian	20.00 Mëssa prefestia dl ann + Matî Clara + Paul Pizzinini vis y def. fam. Albina Mischi + Tomas Clara dl Toch	
24.06.18 DOMËNIA NADÉ DE S. JAN BATISTA	9.00 Ora de oraziun do bel tëmp 9.30 Gran Mëssa por la comunité en onur de San Jan Batista y benedisciun dl tëmp <i>Oferta por la ciarité dl Papa - Peterspfennig</i>	7.55 Ora de adoraziun do bel tëmp 8.15 Gran Mëssa por la comunité y benedisciun dl tëmp <i>Oferta por la ciarité dl Papa - Peterspfennig</i> 15.00 Corona tla capela de S. Ujöp Fr.	

*Idî su é bun da scinché vita,
mo tö pos la dé inant y la respeté.*

*Idî su é bun da scinché fede,
mo tö pos la testimoní.*

*Idî su é bun da descedé speranza,
mo tö pos ti dé a d'atri fidënza.*

*Idî su é bun da scinché ligrëza,
mo tö na odlada valënta.*

*Idî su é le tru,
mo tö pos ti al mostré ai atri.*

*Idî su é bun da fá ci che n'é nia meso,
mo tö sciafies da fá ci che é meso.*

*Idî podess s'acontenté cun se instës,
mo al á orü tigní cunt de te.*

meditaziun dala Ruanda